

ქ. თბილისი

“19“ მარტი 2013წ.

სსიპ საქართველოს ეროვნული საინვესტიციო სააგენტო, მისი დირექტორის მოადგილის, მაგდა ბოლოთაშვილის სახით, შემდგომში “შემსყიდველი”, ერთის მხრივ და შპს „სმაილლი“ მისი გენერალური დირექტორის, დავით დოლიძის სახით, შემდგომში “მიმწოდებელი” მეორეს მხრივ დებენ წინამდებარე ხელშეკრულებას შემდეგზე:

1. ხელშეკრულების საგანი

- 1.1. გამარტივებული შესყიდვის გზით, ამ ხელშეკრულების 4.1. პუნქტით გათვალისწინებული ანაზღაურების სანაცვლოდ, 6.1. პუნქტით გათვალისწინებულ ვადაში, მიმწოდებელი ვალდებულია შემსყიდველს მიაწოდოს 2 ერთეული მაცივარი – hitachi r-z240auk7k 1 sls და indesit tt 85
- 1.2. ხელშეკრულების საგნის CPV კოდია: 39711130.
- 1.3. ხელშეკრულების გამარტივებული წესით წარმოების საფუძველია სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის „ს“ ქვეპუნქტი.

2. საქონლის მიწოდების ვადები და წესი

- 2.1 მიმწოდებელმა საქონელი უნდა მიაწოდოს 2013 წლის 20 მარტს.
- 2.2 საქონლის მიწოდების ადგილია ქ. თბილისი, რუსთაველის გამზ. №8.
- 2.3 საქონელი ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების და საანგარიშსწორებო დოკუმენტაციის წარმოდგენის შემდეგ.

3. მხარეთა უფლება-მოვალეობანი

- 3.1 მიმწოდებელი:
 - 3.1.1 ვალდებულია გადასცეს შემსყიდველს მოთხოვნაში მითითებული საქონელი წინასწარ დადგენილ ვადებსა და ფასში.
 - 3.1.2 მიმწოდებლის ვალდებულება საქონლის გადაცემაზე ითვლება შესრულებულად შემსყიდველისათვის ანგარიშფაქტურით ან სასაქონლო ზედნადებით საქონლის გადაცემის მომენტიდან.
 - 3.1.3 საქონლის გადაცემასთან ერთად მიმწოდებელი შემსყიდველს გადასცემს საქონლის მიწოდებისათვის აუცილებელ ყველა საჭირო დოკუმენტს, რაც მოითხოვება შემსყიდველის მიერ გაკეთებულ მოთხოვნაში მითითებულ საქონელზე, საქართველოს კანონმდებლობის შესაბამისად.
 - 3.1.4 მიმწოდებელი შემსყიდველს გადასცემს ნივთობრივად და უფლებრივად უნაკლო საქონელს.
- 3.2 შემსყიდველი:
 - 3.2.1 ვალდებულია მიიღოს საქონელი და გადაიხადოს მისი ღირებულება ამ ხელშეკრულებით განსაზღვრული პირობებით.
 - 3.2.2 მიმწოდებლისაგან საქონლის მიღებისას შემსყიდველი ამოწმებს მისი დასახელების, რაოდენობის და ხარისხის შესაბამისობას მის მიერ გაკეთებულ მოთხოვნასთან.
 - 3.2.3 შემოწმებისას უხარისხო საქონლის აღმოჩენის შემთხვევაში, შემსყიდველს უფლება აქვს მოსთხოვოს მიმწოდებელს საქონლის ნაკლის გონივრულ ვადაში გამოსწორება ან მისი შეცვლა ხარისხიანი საქონლით.
 - 3.2.4 საქონლის გადაცემის მომენტიდან მისი დაზიანების ან შემთხვევითი დაღუპვის რისკი მთლიანად გადადის შემსყიდველზე.

4. ფასი და ანგარიშსწორების წესი

- 4.1 ხელშეკრულების საერთო ღირებულება განისაზღვრება – 1094 (ათას ოთხმოცდაათოთხმეტი) ლარით.
- 4.2 ანგარიშსწორება ხორციელდება სახელმწიფო ბიუჯეტის სახსრებით.

4.3 ანაზღაურება მოხდება უნაღდო ანგარიშსწორების ფორმით, საქონლის მიწოდების შემდეგ, საჭირო დოკუმენტაციის და მიღება-ჩაბარების აქტის გაფორმებიდან 10 (ათი) საბანკო დღის ვადაში;

4.4 საქონლის საფასურის გადახდა ხდება უნაღდო ანგარიშსწორებით.

5. ხელშეკრულების პირობების შეცვლა და შეწყვეტა

5.1 ხელშეკრულების პირობები შეიძლება შეიცვალოს მხარეთა დამატებითი, წერილობითი შეთანხმების საფუძველზე. ცალმხრივად შეტანილი ცვლილება ან დამატება ბათილია შეტანის მომენტიდან.

5.2 ყველა დამატებითი შეთანხმება ან სხვა რაიმე საბუთი, რაც მხარეთა მიერ მიღებულ იქნება ამ ხელშეკრულების მოქმედებასთან ან ხელშეკრულების ტექსტიდან გამომდინარე, წარმოადგენს ამ ხელშეკრულების განუყოფელ ნაწილს.

5.3 მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ შეთანხმების მიუღწევლობის შემთხვევაში, დავის საკითხს განიხილავს სასამართლო.

6. ხელშეკრულების ვადები

6.1 ხელშეკრულება ძალაში შედის მასზე მხარეთა ხელმოწერის მომენტიდან და მოქმედებს 2013 წლის 27 მარტის ჩათვლით.

6.2 ხელშეკრულება ვადამდე შეიძლება შეწყდეს თუ ერთერთი მხარე ამის თაობაზე შეატყობინებს მეორე მხარეს 3 (სამი) დღით ადრე წერილობით.

7. ფორს-მაჟორი

7.1 თუ ვალდებულების შესრულება ფერხდება ან შეუძლებელია ერთ-ერთი მხარისათვის დაუძლეველი ძალის გარემოებათა გამო (ხანძარი, წყალდიდობა, ომი, საომარი მოქმედებები, სახელმწიფო აქტი და ა.შ.), მხარეები დროებით, ამგვარი გარემოებების ლიკვიდაციამდე თავისუფლდებიან პასუხისმგებლობისაგან. დაუძლეველი ძალის დადგომის ფაქტი უნდა დაფიქსირდეს წერილობით.

8. დასკვნითი დებულებები

8.1 ამ ხელშეკრულებაზე ხელისმომწერი მხარეები ადასტურებენ, რომ ხელშეკრულების ყველა პუნქტი და პირობა, გაგებულია მათ მიერ სწორად და ეთანხმებიან მათ.

8.2 წინამდებარე ხელშეკრულება შედგენილია ქართულ ენაზე, ორ ეგზემპლარად ყოველი მხარისათვის ცალ-ცალკე. ორივე ეგზემპლიარს გააჩნია ერთნაირი იურიდიული ძალა.

9. მხარეთა რეკვიზიტები

მიმწოდებელი:

შპს "სმაილი"

ქ. თბილისი, ყაზბეგის გამზ. №24

საიდენტ. კოდი: 205289105

ტელ: +(995 32) 2 356509

ანგ. ანგარიში: GE22BG0000000875089600

სს საქართველოს ბანკი

ბანკის კოდი: BAGAGE22

გენ. დირექტორი:

დავით დოლიძე

შემსყიდველი:

სსიპ საქართველოს ეროვნული

საინვესტიციო სააგენტო

ქ. თბილისი, რუსთაველის გამზ. №8

საიდენტ. კოდი: 204990082

ტელ: 2 28 11 97

ანგ. ანგარიში: 200122900

ბანკი: ეროვნული ბანკი

ბანკის კოდი: 220101222

დირექტორის მოადგილე:

მაგდა ბოლოთაშვილი

ხელმოწერა



ხელმოწერა

